

善本書室藏書志



善本書室藏書志 十六册

(據光緒錢唐丁氏刊本影印)

(清)丁 丙撰

江蘇廣陵古籍刻印社出版印刷
揚州古籍書店發行

一九八六年九月第一版
一九八六年九月第一次印刷

定價八十八元

善本書室藏書志卷三十九

錢塘丁丙松生甫輯

集部十八

古樂府十卷

元至正刊本

海甯周氏藏書

豫章方克明編次

克明仕履無考自序題云至正丙戌則在順帝時也書分八類
曰古歌謠曰鼓吹曲曰橫吹曲曰相和曰清商曲曰舞曲曰琴
曲曰雜曲每類各有小引四庫以未見元刻無由互校按讀
書敏求記云焦仲卿妻詩新婦初來時小姑如我長蘭雪堂活
字本玉臺集初來時下添小姑始扶牀今日被驅逐二句初觀
不覺其謬再四尋繹始知妄庸子以顧逋翁棄婦詩誤爲添補
逋翁詩云及至見君歸君歸妾已老則扶牀之小姑何怪其長
如我此事前云其事二三年始爾未爲久安得三年未周小姑

長成遽如許耶此刻於至正年間未改原詩之舊近吳門刻左氏樂府反據謄本增入并改竄婦赴傍徨爲起傍徨文理違背書之曰就舛錯將使誰辨之而誰正之乎有玉井山人浣青珍藏海甯周之憲讀過三印

古樂府十卷

明嘉靖刊本

豫章左克明編次

前有至正丙戌克明自序云推本三代而上下止陳隋截然獨以爲宗雖獲罪後之君子無所逃焉後有嘉靖二十三年南郡華容蕭一中撰重政云予愛誦是編顧版行歲久殘缺至不可讀翻版未能成甲辰秋自江右謬轉浙藩思竟初志謀之同宗僉曰善遂梓之與好古者共焉其焦仲卿妻詩雖不免沿竄婦起傍徨之譌然新婦初來時之下尙不致如蘭雪堂玉臺集之添改也

新刻西湖竹枝詞一卷 明刊本

至正八年楊維禎序云予閒居西湖者七八年與張貞居鄭九成輩爲唱和交水光山色浸沈胸次洗一時傅粉黛之習於是乎有竹枝之聲好事者流布南北名人韻士屬和者無慮百家採風謠者其可忽諸皆七言絕句自楊廉夫至韓彥敬凡一百十七家又女士曹妙清張妙善二家無名氏二首皆各詳仕履行誼著述於詩前天順三年浙江僉事陵川和維振綱從劉邦彥得此本喜西湖去外臺不半里遂付梓以廣其傳

玉山名勝集八卷外集一卷

勞李言詩校本

玉峯顧瑛仲瑛編次

瑛又名德輝字仲瑛崑山人舉茂才署會稽教諭辟行省屬官皆不就年四十卽以家產盡付其子元臣卜築玉山草堂池館亭臺圖書珍玩傾動江左一時名流勝士多從游宴因哀其詩

文爲此集每一地各先載其題額之人次載所自作曰玉山堂
曰玉山佳處曰種玉亭曰小蓬萊曰碧梧翠竹堂曰湖光山色
樓曰讀書舍曰可詩齋曰聽雪齋曰白雲海曰來龜軒曰雪巢
曰春草池曰綠波亭曰絳雪亭曰浣華館曰柳塘春曰漁莊曰
書畫舫曰春暉樓曰秋華亭曰淡香亭曰君子亭曰釣月軒曰
拜石壇曰寒翠所曰芝雪堂曰金粟影更以序記詩詞各系其
後外集一紀餞送一紀寄贈也前有金華黃潛湘東李祁序張
翥寄題玉山詩有季言勞格勞保艾讀諸印蓋季言再三精校
之本也

玉山草堂名勝集八卷外集一卷

舊鈔本 徐釐庵藏書

前有至正十年金華黃潛序至正十一年湘東李祁序至正十
年張翥寄題玉山詩自玉山堂至金粟影凡二十八景各標景
名而著題額之人次著顧瑛題次著名流序記詩詞元季知名

之士十居八九矣外集紀奇贈篇什有寶研主人珍藏硯青珍
藏海甯周子夢煙雲過眼諸印末有徐洪盤題云右舊鈔玉山
名勝集八卷外集一卷紙墨精好筆畫端謹雅可愛玩玉山主
人身丁末造當干戈遍野流血滿川渠之會而儒衣僧帽兀
傲其閒雖其園亭之盛胸襟之曠財力之雄然皆當時風俗之
厚以成之今庚辛之亂寇氛所至城市皆墟流離困苦不堪設
想閒有一椽偶賸饋粥尙供者似謂非其分所應有必羣起而
魚肉之不破其家不止遑論園亭文酒哉偶讀是集感而書之

洪基號蟄庵海昌人

草堂雅集十三卷

舊鈔本

崑山顧瑛類編

瑛雅擬詞章愛通縞紵玉山佳處勝友如雲投贈之篇彙成此
集世傳本自陳基至釋自恢凡七十人蓋闕其首冊移易編成

此本有正統乙丑玉峯七十五歲老翁金子真識云朱東屏近得玉山草堂詩集脫落散失命余緝拾余觀之清絕可喜故樂爲整循其次又天啟元年文氏震孟跋云玉山草堂雅集十三卷爲家藏善本卷首標目出自先國博府君亦楷書之最精者友人錢受之王淑士各借鈔一部人間流傳未廣猶可稱竺鳴帳中珍也始柯九思迄釋自恢凡七十四人似較陸其清藏本爲勝耳

玉山名勝外集二卷玉山紀游一卷

稿鈔本

右上卷紀寄贈玉山主人篇什下卷紀玉山餞別紀游篇什諸家藏本名勝外集皆一卷此二卷與愛日精廬舊藏卷數相合紀遊一卷汝陽袁華子英編爲四庫著錄皆顧瑛紀遊倡和之作所遊如天平靈巖虎阜西湖吳江錫山上方山觀音山不止崑山一境也未有雍正辛亥嘉定戴范雲題記

玉山倡和二卷玉山遺什一卷

影寫本

士禮居藏書題跋云此朱性甫家遺書爲玉山名勝集及玉山璞藁所未收昔鮑丈淶飲曾以此本流落江南人家未及刊刻爲恨及淶歿歿而此書始出惜竟無好事人付梓耳余借諸壽松堂蔣氏轉氏得諸濂溪坊顧氏原書大半爲性甫手書余倩友影摹後世又有一副本不減中郎虎賁之似矣此又從士禮居本錄出者

至治之音一冊

精鈔本 黃蕘圖藏書

右爲賦凡六十四篇其題爲太極圖石鼓天馬辟雍禹鼎雲夢手植檜龍虎榜科斗文字凌煙閣四靈泰階六符登瀛洲陽燧無逸圖石渠閣大司山太常清廟瑟玉燭靈臺蘭館龍虎臺金馬門蒲輪車龍馬圖王會圖浙江黃鍾玉佩陽谷大成樂彭蠡銅柱帝車角端釋奠儀江漢朝宗廣寒殿天府章華臺天爵作

者凡六十人爲黃潛羅曾歐陽玄陳泰王沂羅振文邱堂祝堯
方君玉周尙之孟泌朱文憲彭士奇蒲紹簡吳曠方回孫劉性
周鏗徐容曾煒曹師孔尹貫道李懋江孚鄒選莊文昭趙俶羅
慶源林溫沈幹董朝宗舒慶遠吳從善饒泰陳異召公任陳祖
仁高明應才胡斗元劉千塗淵戴時中周全慶戴元溥陳高王
宗哲鄒奕徐勉之呂誠葛元哲吳師尹施禮陳正宗李國鳳何
淑儲緒賢徐中許昌言林似祖林溫後有識云洪武三十一年
六月二十四日竟此前冊是書乃西禮文淵有道樓君家藏海
虞朱熹子新識之爲他日暇中展玩按六十四賦選於賦彙者
不多六十人大半無別集卽有亦往往不載此雖祇一冊足以
見有元賦學之盛矣有黃丕烈印堯圃鈔藏二印

選詩補注八卷補遺二卷續編四卷

嘉靖刊本

上虞劉履

履字坦之宋侍御忠公四世孫守志勵行以經術世其家人明
不仕自號草澤閒民洪武十六年詔求天下博學之士浙江布
政使強起之至京師授以官以老疾固辭賜鈔遣還未及行而
卒 四庫著錄名風雅裏天一閣書目載其書有至正二十一
年謝肅序例云詩自孔子刪後殆未易言然今人欲知漢魏以
下諸作頗賴昭明選詩之存茲重加訂選得二百十有二首又
常恨陶靖節詩在文選者甚少今就其本集增取二十九首又
於後漢書得酈炎詩二首於文章正宗得曹子建怨歌行一首
於阮嗣宗集得詠懷二首皆文選所遺者總二百四十六首釐
爲八卷此本重刻謝序已佚惟存太原王裒登序補遺二卷履
自序云上下卷凡四十二首皆古歌謠詞散見於傳記諸子之
書及樂府集者也余旣補注選詩而復輯是編者蓋竊承經史
諸書韻語文選古詩附於三百篇楚詞之後之遺意續編四卷

履自序云昔朱子嘗欲鈔經史韻語文選古詞又將擇夫文選以後諸詞之近於古者以爲羽翼輿衛惜乎未覩成書後學無所取則愚復及是編者蓋亦竊承朱子之遺意也凡選唐陳拾遺辭少保李翰林張曲江王右丞儲御史杜工部韋蘇州韓文公柳柳州張司業十一家宋王荊公朱文公二家

荆南倡和詩一卷

明刊本 王遵涇顧秀野藏書

元周砥馬治同撰至正癸巳甲午乙未三年閒無錫周砥履道遭亂客於宜興馬治孝常家兩人隨事倡和積詩一卷分寫二帙各藏其一詩之所由名也同時遂昌鄭元祐序之砥與治又各自序砥後從張士誠死於兵而治入明宰內邱守建昌死生雖異友誼猶存因梓爲是集附錄數詩皆砥懷孝常哀履道之作此本尙在成化李應楨張弼校刊以前有逆涇太原叔子藏書記顧嗣立即俠君汪士鐘藏五印憶先君子從梅東里遷麒

麟街與龐氏連居小樓積書笥數十忽屋漏沾書山暴於庭中有荆南倡和詩沾溼最甚爲蓮涇所寫精絕可愛又有元和三舍人詩亦蓮涇寫藏惜皆付之劫灰今見此本可想見蓮涇五藏寫刻時也

元人小集十二卷

舊鈔本

不著編輯姓名中錄吳興鄒韶九成菽溪漁唱一卷懽李吳鎮仲圭梅花庵稿一卷天台柯九思敬仲丹邱生稿一卷崑山姚文奐子章野航亭稿一卷京口郭昇天錫快雪齋小集一卷鄧文原善之巴西詩集一卷漁陽鮮于樞伯機困學齋稿一卷莆陽方澗叔淵遺稿一卷吳郡陳植叔方寧極齋稿一卷天台曹文晦輝伯新山稿一卷黃巖潘伯修省中江檻集一卷昭武黃清老子肅樵川集一卷鈔本書法秀逸頗可觀覽

乾坤清氣集十四卷

舊鈔本

義陽偶武孟選

武孟名桓自號瞎牛太倉衛人官荊門州吏目朱竹垞檢討云
明初詩家操選政者賴良直卿許中麗仲孚劉仔肩汝弼沈巽
士偁王偁孟敷皆有所蔽惟瞎牛乾坤清氣一編能開生面惜
予所鈔闕七言近體絕句未得全書爲憾今本卽從朱氏傳鈔
者

餘姚海隄集四卷

舊鈔本 汪魚亭藏書

嗣孫葉翼斯跋述刊

海隄在越之餘姚潮汐往來隄堰傾圯元天厯開四月葉侯敬
常由太學爲是州判官嘗捐資募工先勞著績甫中陳旅記其
事文人學士莫不以詩文黜之判州卒官邦人聞於朝封仁功
侯賜廟永澤祀典太常有子曰晉字孔昭授宣政院照磨補官
江南行御史臺掾痛念其父有功海隄諸君述作襄揚恐久而

泯歿乃撫爲海隄集將刊行會兵火繹騷不果從弟之翼哀痛之遍求鄉邦耆彥及各文集中采錄得之編爲此集鈐有汪魚亭藏閱書一印

唐詩品彙九十卷拾遺十卷

宏治川本

新帶高棟編

棟一名廷禮字彥恢號漫士長樂人永樂閒白布衣徵爲翰林待詔陞典籍附見明史文苑林鴻傳著有嘯臺集木天清氣集棟以元末詩格纖仄類詞乃與林鴻標舉唐音以示正宗所錄凡六百二十家得詩五千七百六十九首分體編次始洪武甲子成於癸酉棟有自序至戊寅又搜補六十一人詩凡九百五十四首附錄於後每體分正始大宗大家名家羽翼接武正變餘響旁流爲九格洪武辛巳玉融馬得華靈武王偁洪武乙亥林慈撰序至成化丁酉江西提刑按察使三山陳煒刻而爲序

寄版於旌陽鐵柱宮宏治戊申厄於祝融南昌郡守周君鳳載梓之滇南張聰序之嘉靖戊戌賴守漳州康公又新其版而南粵謝邦信序其事

唐詩正聲二十二卷

嘉靖刊本

新甯高棟編選

前有棟自識云昔編唐詩品彙一集自貞觀迄於龍紀三百年閒凡所謂大名家十數公與夫善鳴者殆將數百家其言足以沒世不忘者悉錄之分編定目隨體類從凡九十卷其詩五千七百六十九首竊慮博而廣要雜而不純乃按其尤彙爲此編有成化辛丑南京戶部尚書三山黃鎬嘉靖三年蘇州知府天水胡繼宗十四年武昌守何城序正統壬戌彭曜跋

金蘭集三卷續集一卷

曹倦圃鈔本 汪季青藏書

吳郡徐達左良夫類編

達左字良夫吳之光福里人爲人清修立學受易於鄱陽邵宏
道受書於天台董仁仲皆得其指歸自元政日非天下寢亂益
深韜晦不汙僞命及世平定有聘爲師訓建寧者達左謂建寧
紫陽講學之所遂往教其鄉復北游闕里浩然有得卒於建寧
學舍此集乃輯其同時酬贈之作正統九年十一世孫羽志刻
之尙有附錄一卷乃達左兒子濟出守邵武及歸田後與友朋
倡和之詩此本已佚而別有續集一卷爲鄧尉徐堅重編皆游
武夷九曲時題贈之作附達左所撰遺文此舊鈔版心有構李
曹氏倦圃藏書八字又構李曹氏藏書印及古香樓休甯汪季
青家藏書籍諸印

文章辨體五十卷外集五卷

明天順刊本

海虞後學吳訥編集

是編凡例稱文辭以體制爲法古文類集今行世者惟昭明文